

Avatangiisit innarlitsaaliorneqarnissaannik Inatsisartut peqqussutaata allanngortinneqarneranik Inatsisartut peqqussutaat

§ 1.

Avatangiisit innarlitsaaliorneqarnissaannik Inatsisartut peqqussutaanni nr. 12-imi 22. december 1988-imeersumi peqqussutikkut nr. 7-ikkut 13. maj 1993-imeersukkut allanngortinneqartumi allannguutigittinneqassapput:

1. § 7-ip kingorna uku ilanngunneqassapput:

"§ 7 a. Illoqarfiit nunaqarfillu killeqarfiisa iluini assartuutit motorinik ingerlatillit aqqusinerni, illut akornini aqqusinerni, biilini inissiisarfinni assigisaannilu taamatut atorneqartussatut naatsorsuussani taamaallaat atorneqarsinnaapput.

Imm. 2. Illoqarfiit nunaqarfillu killeqarfiisa iluini nunaminertat imm. 1-imi taaneqartut avataanni kommunalbestyrelsi sulinermut atatillugu angallassinermut assigisaannullu piffissaa killilerlugu immikkut akuersissuteqarsinnaavoq. Piffissap immikkut akuersissuteqarfiup naanerani nunaminertat ileqqumittut peqqissaartumik ilusileqqinneqarnissaat kommunalbestyrelsip akisussaaffigaa, taamatullu immikkut akuersissuteqarnermut atatillugu nunaminertat isikkumittut ilusileqqinneqarnissaat pillugu kommunalbestyrelsi piumasaqaateqarsinnaavoq.

Imm. 3. Illoqarfiit nunaqarfillu killeqarfiisa iluini nunaminertat immikkut ittut assartuutitut aalajangersimasunut, assersuutigalugu qamuterallannut (snescooterinut) ingerlaarfissat aqutissalluunniit maleruaqqusatigut kommunalbestyrelsip aalajangersaavigisinnavaai. Maleruaqqusat atortuulersinneqarnerinut peqatigitillugu tamanut saqqummiunneqartassapput, ilisimatitsissutitullu Naalakkersuisunut nassinneqarlutik.

Imm. 4. Naalakkersuisut kommuni pisussaatisinnaavaat nunaminertanik aqutissanilluunniit immikkut ittunik aalajangersaanissamut, kommunimi illoqarfiup nunaqarfilluunniit killeqarfiisigut illummut avammulluunniit assartuutit motorimik ingerlatillit atorlugit assartuinissamut periarfissat isumannaarlugit.

§ 7 b. Angallassissutit sumi atorneqarsinnaanerit pillugu Naalakkersuisut nalunaarusiorsinnaapput.

Imm. 2. Nalunaarutit imm. 1-imi taaneqartut nunap ilaanut aqutsinikkut erseqqissumik nassuiarneqarsimasumut atuuttussanngorlugit ilusilerneqassapput.

Imm. 3. Nalunaarutit iiran. 1-imi taaneqartut assartuutitut assigiinngitsunut malittarisassanik assigiinngitsunik imaqarsinnaapput, assersuutigalugu sikkilinut qaqqakoorutitut, snescooterinut, assartuutitut nunaannakoorutitut sukkasuunut sukkaatsunullu, angallatinut timmeralaanut timmeralaajunngitsunullu, timmisartunut motorimik ingerlatilinnut il.il.

Imm. 4. Nalunaarutit imm. 1-imi taaneqartut imatut ilusilerneqarsinnaapput

a) nunaminertanik killilersuutitut/ assartuutit ilaasa atorneqarnissaannik inerteqquteqarfusutut imaluunniit

b) nunaminertanik killilersuutitut assartuinermilu aqutigineqartussatut, assartuutit ilaasa atorneqarnissaannik akuersissuteqarfusutut, nunaminertap sinnerani ataatsimut isigalugu atuinissamik inerteqquteqarfusutut.

Imm. 5. Nalunaarutit imm. 1-imi taaneqartut assartuutit siu-nertanut immikkut ittunut atorneqarnissaannik Naalakkersuisut immikkut akuersissuteqarsinnaanerannut periarfissaat pillugit tunaartarisassanik imaqaassapput, assersuutigalugu piniarnermik ingerlatanut, pisortat assartuinerinut, ilisimatusarnikkut ingerlatanut allatigullu killilimmik atuinernut atatillugu.

§ 7 c. § 7 a-mi aamma 7 b-mi killilersuutit taaneqartut annaassiniarnernut, politiit misissuinerinut assigisaannullu atatillugu assartuinerinut atuutinngillat.

Imm. 2. § 7 b-mi killilersuutit taaneqartut Naalakkersuisut kommunalbestyrelsillu avatangiisinik pinngortitamillu nakkutil-liinerannut atatillugu atuutinngillat."

2. § 46, imm. 2-mi "§ 7 malillugu" uuminnga taarserneqassaaq "§ 7, § 7 a aamma 7 b malillugit".

§ 2.

Inatsisartut peqqussutaat manna 1. november 1996 aallarnerfigalugu atortuulersinneqarpoq.

Namminersornerullutik Oqartussat, ulloq 31. oktober 1996.

Lars Emil Johansen

/

Marianne Jensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut